



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/  
durch den gantzen Körper des Menschens/ von dem  
Haupt biß auff die Füß**

**Ryff, Walther Hermann**

**Straßburg, Anno M.DC.XIV.**

Für die Vrschlechten.

**urn:nbn:de:hbz:466:1-43769**



## Von allerhand Arzneyen/

pulver darauß gestrewet / vnd zeucht die Wurzel von grund auß/ das keine mehr wachsen mag an der statt.

Zwyblen vermischet mit Salz/ vnd auff die Warzen gelegt/ heilet sie.

Kalckwasser mit Weydäschchen vermischet / vnd vngelöschem Kalck/ vnd darauß gemacht ein Salb/ benimpt die Warzen/ vnd erzet die von grund auß.

Lasurstein heilet die Warzen/ das pulver daren gestrewet.

Virga pastoris gesotten mit Wein/ vnd darnach gestossen/ vnd als ein pflaster gelegt auff die Warzen/ hilfft wol.

Der safft der auß den Reben dropffet/ benimpt die Warzen/ damit gewaschen / vnd darunder vermischet das Wasser/ das sich auff den Eychbäumen enthalt vñ auff den Eychblättern.

## Für die Warzen/ Schrophule

genandt.

Wild Eppich kraut zerknütscht / vnd auff die Warzen gelegt als ein pflaster/ heilet sie ohn zweiffel.

Bleyweiß gemischet mit Weinstein öl/ vnd Eßig/ benimpt die Warzen/ die die spitzig sind vnd fleischig wie die ander Haut/ diß darauß gestrichen/ heilet sie.

Os de corde Cervi/ diß pulver von disem Bein heilet die Warzen/ oben abgeschnitten/ vnd diß pulvers daren gestrewet/ es hilfft wol.

Den safft von Springwurz vermischet mit öl/ benimpt die Warzen.

## Für die Vrschlechten.

Katten gesotten mit Erdrauch wasser/ vnd das gedruncken von denen/ die die Vrschlechten haben/ es hilfft ohn zweiffel.

Ein Dranck gemacht von Johannis träublein / in Endwien wasser/ ist gut wider die Vrschlechten.

Nacht



Nachtschatten wurzel/ Scabiosa wurzel/ vñ Rau-  
ten wurzel an den Hals gehendet / benimpt die Ver-  
schlechten zuhand.

Für die Verschlechten/ Nimb Tamarinden/ Tujus  
be/ Dactlen/ jegliche gleich viel/ vnd seud diß mit Lins-  
senbrüh/ gib es dem Menschen zu drincken / es hilfft  
fast wol.

### Cap. xxxiiij. Für allerhand Hitz.

**D**ischbletter gesottē mit Baumöl/ seind gut zu  
allerhand Hitz/ außwendig des Leibs als ein  
pflaster darauff gelegt.

Der safft von Sawrampffer temperiert mit  
Baumöl vnd an das Haupt gestrichen/ nimpt grossen  
Schaden der Hitz.

Schlehsafft ist wider alle Hitz des Leibs.

Saberbrey gekocht mit Eßig/ ist fast gut denen/ die  
da grosse Hitz haben.

Eßig gebraucht/ benimpt alle Hitz.

Pfirsich genätzt/ benimpt vil außwendige Hitz.

Saußwurz safft außwendig auff die Brust gelegt/  
mit einem Duch / kület den hitzigen Menschen / vnd  
wenn das drucken wird/ so soll man es widerumb ne-  
zen in dem safft.

Taschenkraut gestossen/ vnd auff den Bresten ge-  
legt/ wa grosse Hitz were/ es zeucht die Hitz an sich.

Welcher Mensch grosse Hitz hette/ der neme Bins-  
awen/ vnd leg es in Eßig / vnd schlag es auff die statt/  
da die Hitz ist/ es nimpt die ohn zweiffel.

Hitzschwamm gelegt auff einen hitzigen Schaden  
an dem Leib / von was hand das were/ zeucht grosse  
Hitz auß.

Leberkraut kület fast wol/ außwendig vnd inwen-  
dig.